

# Universitätsbibliothek Wuppertal

## Titi Livi *Ab urbe condita libri*

Buch XXVII und XXVIII

**Livius, Titus**

**Berlin, 1910**

Periochen

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-2732](https://nbn-resolving.org/urn:nbn:de:hbz:468-1-2732)

## T. LIVI

AB VRBE CONDITA LIBRORUM PERIOCHAE.

EX LIBRO XXVII.

Cn. Fulvius proconsul cum exercitu ab Hannibale ad Herdoneam caesus est. meliore eventu ab Claudio Marcello consule adversus eundem ad Numistrionem pugnatum est. inde Hannibal nocte recessit; Marcellus insecutus est et subinde cedentem pressit, donec configeret. priore pugna Hannibal superior, sequenti Marcellus. Fabius 5  
Maximus consul pater Tarentinos per proditionem recepit. Claudius Marcellus, T. Quintius Crispinus consules speculandi causa progressi e castris, insidiis ab Hannibale circumventi sunt. Marcellus occisus, Crispinus fugit. Iustrum a censoribus conditum est. censa sunt 10  
civium capita centum triginta septem milia centum octo; ex quo numero apparuit, quantum hominum tot proeliorum adversa fortuna populo Romano abstulisset. in Hispania ad Baeculam Scipio cum Hasdrubale et Hamilcare conflixit et vicit. inter alia captum regalem puerum eximiae formae ad avunculum Masinissam cum donis 15  
dimisit. Hasdrubal, qui cum exercitu novo Alpes transcenderat, ut se Hannibali iungeret, cum milibus hominum quinquaginta sex caesus est, capta quinque milia quadringenti M. Livi consulis ductu, sed non minore opera Claudi Neronis consulis, qui, cum Hannibali oppositus esset, relictis castris ita, ut hostem falleret, cum electa manu profectus Hasdrubalem circumvenerat. res praeterea feliciter a P. Scipione in 20  
Hispania et a P. Sulpicio praetore adversus Philippum et Achaeos gestas continet.

EX LIBRO XXVIII.

Res in Hispania prospere gestae a Silano, Scipionis legato, et ab L. Scipione fratre adversus Poenos, a P. Sulpicio proconsule, socio 25  
Attalo, rege Asiae, adversus Philippum, regem Macedonum, pro Aetolis referuntur. cum M. Livio et Claudio Neroni consulibus triumphus decretus esset, Livius, qui in provincia sua rem gesserat, quadrigis 30  
invectus est, Nero, qui in collegae provinciam, ut victoriam eius adiuverat, venerat, equo secutus est, et in hoc habitu plus gloriae reverentiaeque habuit; nam et plus in bello quam collega fecerat. 30  
ignis in aede Vestae negligentia virginis, quae non custodierat, extinctus est; caesa est flagro. P. Scipio in Hispania cum Poenis debellavit quarto decimo anno eius belli, quinto post anno quam ierat, praecusisque in totum possessione provinciae eius hostibus Hispanias recepit; 35  
et a Tarracone in Africam ad Syphacem, regem Massylorum, tannsvectus foedus iunxit. Hasdrubal Gisgonis ibi cum eo in eodem lecto cenavit. munus gladiatorium in honorem patris patruisque Carthagini Novae

- edidit, non ex gladiatoribus, sed ex his, qui aut in honorem ducis  
 aut ex provocacione descendebant; in quo reguli fratres de regno  
 40 ferro contenderunt. cum Gisia urbs obpugnaretur, oppidani liberos  
 et coniuges rogo extracto occiderunt et se insuper praecipitaverunt.  
 ipse Scipio, dum gravi morbo implicatus est, seditionem in parte exer-  
 citus motam confirmatus discussit rebellantesque Hispaniae populos  
 coegit in deditionem venire, et amicitia facta cum Masinissa, rege  
 45 Numidarum, qui illi auxilium, si in Africam traiecisset, pollicebatur,  
 cum Gaditanis quoque post discessum inde Magonis, cui Carthagine  
 scriptum erat, ut in Italiam traiceret, Romam reversus consulque  
 creatus. Africam provinciam petenti contradicente Q. Fabio Maximo  
 Sicilia data est, permissumque, ut in Africam traiceret, si id e re  
 50 publica esse censeret. Mago, Hamilcaris filius, a minore Baliari in-  
 sula, ubi hiemaverat, in Italiam traiecit.

---

Abweichungen von der Ausgabe O. Jahns

(Lipsiae MDCCCLIII).

5. *sequenti Marcellus*] NP; *Marcellus sequenti* O. Jahn. — 16.  
*iungeret*] NP; *coniungeret* O. Jahn — 17. *quadringenti*] NP;  
*CCC* O. Jahn. — 20. *feliciter*] NP; fehlt bei O. Jahn. — 24. *P.*]  
 Roszbach; *l.* NP, fehlt bei O. Jahn. — 35. *Massyliorum*] *Masaesy-*  
*liorum* Liv. 28, 17, 5. — 37. *Carthagini Novae*] O. Biemann; *Cartha-*  
*gini nova* NP, O. Jahn, *Carthagini Nova* Mg., *Carthagine Nova* Ml.  
 — *his*] NP; *is* Ml. — 40. *Gisia*] *Astapa* Liv. 28, 22, 2.